



REPUBLIKA E SHQIPËRISË
ENTI RREGULLATOR I ENERGJISË

Bordi

VENDIM

Nr. 109, Datë 01.07.2019

PËR

**NJË NDRYSHIM NË VENDIMIN E BORDIT TË ERE-S NR. 207, DATË 18.12.2017,
“PËR MIRATIMIN E RREGULLORES PËR KRITERET STANDARTE TË CILËSISË
SË SHËRBIMIT TË TRANSMETIMIT TË ENERGJISË ELEKTRIKE”**

Në mbështetje të nenit 7 pika 1 dhe nenit 16, të Ligjit nr. 43/2015 “Për Sektorin e Energjisë Elektrike” i ndryshuar; nenit 104, pika 4, gërma “a”; nenit 113, pika 1 dhe 3 e Ligjit nr. 44/2015 “Kodi i Procedurës Administrative” si dhe neneve 15 dhe 26 të “Rregullores së organizimit, funksionimit dhe procedurave të ERE-s”, miratuar me Vendimin e Bordit të ERE-s nr. 96, datë 17.06.2016, bordi i ERE-s në mbledhjen e tij të datës 01.07.2019, mbasi shqyrtoi relacionin e përgatitur nga Drejtoritë Teknike për një ndryshim në vendimin e bordit të ERE-s nr. 207, datë 18.12.2017, “Për miratimin e rregullores për kriteret standarte të cilësisë së shërbimit të transmetimit të Energjisë Elektrike”,

Konstatoi se:

- Me vendimin nr. 207, datë 18.12.2017 Bordi i ERE-s vendosi: miratimin e rregullores për “Kriteret standarte të cilësisë së shërbimit të transmetimit të energjisë elektrike”
- Në vijim të kësaj vendimmarrje me kërkesë të shoqërisë OST sh.a si rezultat i pamundësisë për të përmbushur kërkesat e kësaj rregulloreje brenda afateve që ajo përcakton, në lidhje me realizimin e investimeve të domosdoshme, bordi i ERE-s me vendimin nr. 270, datë 21.12.2018, vendosi shtyrjen e afateve të përcaktuara në rregulloren për “Kriteret standarte të cilësisë së shërbimit të transmetimit të energjisë elektrike”.
- ERE-s me shkresën me nr. 398 Prot., datë 13.06.2019, në zbatim dhe të Vendimit nr. 270, datë 21.12.2018, i rikujtoi shoqërisë se, në zbatim të nenit 7, “Kriteret standarde të performancës për operatorin e sistemit të transmetimit” pika 4, në vitin 2019, ERE do të rishqyrtojë performancën e ushtruar nga shoqëria OST sh.a, gjatë viteve 2017-2018, do të rivlerësojë nivelet e pritshme të performancës dhe do të miratojë nivelin e lejuar të kriterëve standarde të cilësisë së furnizimit dhe performancës së sigurisë së rrjetit në sistemin e

transmetimit për periudhën në vijim. Për sa më sipër i kërkon shoqërisë OST sh.a paraqitjen e të dhënave të nevojshme brenda datës 01 Korrik 2019.

- Së fundmi OST sh.a. me shkresën nr. 4059/1 Prot., datë 26.06.2019, në përgjigje të shkresës sonë, ka përcjellë pranë ERE-s informacion për treguesit e performancës në transmetim, për vitet 2014-2018 dhe tremujorin e parë të vitit 2019 si dhe nivelin e pritshëm të performancës
- Pra, sic vihet re edhe nga të dhënat e dërguara nga OST sha, edhe pse treguesit e performancës për sistemin e transmetimit janë përmiresuar përgjatë 2014-2018, niveli i pritshëm i performancës i konsideruar nga OST sh.a. për vazhdimin e 2019 është relativisht i ulët krahasuar me vlerat e periudhes së më parshme.
- Për këtë do i kërkohej OST sh.a. të paraqesë në vijim në ERE argumenta me të detajuara.
- OST sh.a., me shkresën me nr. 6205/1Prot, date 18.10.2018, protokolluar me tonën nr. 576/1Prot, datë 22.10.2018 lidhur me implementimin e rregullores për “Kriteret standarte të cilësisë së shërbimit të transmetimit të energjisë elektrike”, ka kërkuar shtyrjen e afateve të implementimit të rregullores deri në 1 Janar 2020.
- Duke marrë në konsideratë edhe paraqitjen e planeve të investimeve të operatorit të sistemit të transmetimit konstatohet se, investimet e parashikuara dhe ato që janë realizuar së fundmi shërbejnë në përmirësimin e gjendjes së rrjetit dhe elementeve të transmetimit të energjisë elektrike, rrjedhimisht duke përmirësuar standardet e cilësisë së shërbimit të furnizimit dhe performancës së sigurisë së rrjetit të transmetimit të energjisë elektrike.
- Sa përcjellë nga OST sh.a vërehet se për nivelet e pritshme ka rritje të treguesve në vlerës negative, të pa justifikuar ; (Rritje për kohën mesatare të ndërprerjes AIT, Shtim të sasisë së energjisë të pa furnizuar ENS, periudha e njoftimit të ndërprerjeve të planifikuara në sistemin e transmetimit, si edhe rritje të indeksit të kohëzgjatjes së ndërprerjeve mesatare SAIDI).
- Për të gjitha sa më sipër, gjykohej e nevojshme që OST sh.a të përcjellë në ERE një material më të plotë, me argumentat dhe shtjellimet përkatëse në lidhje me nivelin e pritshëm të performancës dhe periudhën e përmiresimit të këtyre standarteve.

Për gjithë sa më sipër cituar, bordi i ERE-s,

Vendosi:

1. Pikat 7.1, 7.2 dhe 9.1, të “Rregullores për kriteret standarde të cilësisë së shërbimit të furnizimit dhe performancës së sigurisë së rrjetit të transmetimit të energjisë elektrike”, të miratuar me vendimin nr. 207, datë 18.12.2017, të Bordit të ERE-s”, të pezullohen deri në miratimin nga ERE-s të niveleve të lejuara të kriterëve standarde të cilësisë së shërbimit, sipas pikës 7.4 të po kësaj rregulloreje.
2. Pika 7.3 e “Rregullores për kriteret standarde të cilësisë së shërbimit të furnizimit dhe performancës së sigurisë së rrjetit të transmetimit të energjisë elektrike, ndryshon dhe

bëhet: “OST sh.a do të propozojë në ERE për miratim nivelin e lejuar të kriterëve standarde të cilësisë së shërbimit, brenda datës 31 Korrik 2019.”

3. Pika 7.4 e “Rregullores për kriteret standarde të cilësisë së shërbimit të furnizimit dhe performancës së sigurisë së rrjetit të transmetimit të energjisë elektrike, ndryshon dhe bëhet: “Brenda 6 muajve nga paraqitja e propozimit të OST sh.a, ERE do të vlerësojë nivelet e pritshme të performancës dhe do të miratojë nivelin e lejuar të kriterëve standarde të cilësisë së shërbimit.”
4. Drejtoria Juridike dhe Mbrojtjes së Konsumatorit do të njoftojë OST sha lidhur me vendimin e Bordit të ERE-s

Ky vendim hyn në fuqi menjëherë.

Ky vendim botohet në Fletoren Zyrtare.

Për këtë vendim mund të kërkohet rishikim brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.